



18 SETEMA 2023 ~ Lomiga 15 ~ Upega Tafailagi: www.ola888.com ~ Telefoni: 0210364322 ~ Tuatusi: ola.niupac@gmail.com ~ evaleon.books@gmail.com ~ NIUPAC Publication

14 Tausaga tautua OLA Puletini A'oga



O le aso 10 o Setema 2009 na lesitala ai le Niu Pacific Information (Niupac) o se tautua i faamatalaga, ma amata ai le mafutaga ma ana sui faitau. Aulia mai le 14 lenei o tausaga, ua mafai ona faasoa atu le vao alaga'oa eseese, e iai ma le OLA Puletini A'oga, ua laasia se 200 lomiga ua mae'a tufatufaina atu. O le naunauga e fa'aaoga pea la tatou gagana e fesoota'i ai, aemaise i nofoaga ua aumau ai, e ala i le fe'au taulogologo i mataupu ma mea tutupu i le lotoifale a'oga. E lagolago foi i le nafa tausi faafaia'oga, i le gagana ma lona a'oina lelei e fanau i le sipela, faaleoga ma tulaga faapena. Faafetai mo lau tou lagolago, mo'omo'oga lelei ma tatalo. Fa'amanuia le Atua.



KIA ORA KOUTOU! VAIASO O LE GAGANA MAORI: Sa iloga lona faailogaga i le vaiaso na se'i mavae. E iai le a'oga lenei a Waverly Park i Invercargill, fialia fanau uma e auai i polokalame o siva ma pese.

O le ala i le pule o le tautua: 150 tausaga tautua UC

E TAUSAGA ATOA e faailoga ai le 150 tausaga talu ona faavae le lunivesite a Kenetaperi (University of Canterbury poo le UC), i totonu o Kalaiestetete. Faatu i le 1873, o le ulua'i lala o le lunivesite a Niu Sila. Avea ai ma ulua'i kolisi e a'oa'oa mataupu i le tapulaa lona tolu (teseri) i Aotearoa.

O sini faavae ma faamoemoega o lona faatuina e laualuga lava le agaga lelei e fia tautua, e le faailogaina se tasi e fia ulufale, ae i le mafaia ma le lototele e ausia ai tapulaa o su'esu'ega.

Mai na taimi e aulia mai le aso, ua avea le UC ma se a'oga mautu e faamoemoe i ai le malo i su'esu'ega i soo se mataupu, i fautuaga ma faatinoga o ana poroketi ma atina'e.

I le talanoaga ma le alii faia'oga sinia ia Tufulasi Taleni, na ia faamaonia ai le sao o le UC i soo se tautua a'oga. E le gata i le tautua masani o a'oga, a o lagolago tautupe i fanau e mana'omia le fesoasoani i pili a'oga.

'E to'atele nai a tatou tamaiti ua mafai ona ulufale ma maua ni tusipasi e ala i le fesoasoani a le UC i pili a'oga,' saunoa Taleni. Ta'ua foi e ia le agavaa. 'O nisi o poroketi tetele e maua e le UC, ona o le agavaa o le 'aufaigaluega.'

O se a'oga foi e iloga i lona faatu o ni pine i ausiga e le i laasia muamua. E iai le ulua'i tama'ita'i na faau'u i lona tusipasi MA, Helen Connon. Avea fo'i ma ulua'i a'oga e talia ma faau'u ai le ulua'i tama Maori, Apirana Ngata, tatala ai le avanoa i isi pei o Tipene O'Regan.

Ae patipatia e le lalolagi faiva o nisi ana tamafanau e pei o Sir Ernest Rutherford, o le na ta'eina le atoma, Sam Neill (tifaga), Ngaio Marsh (tusitala), Sir John Key (palemia), Feleti Sevele (palemia Toga), Christopher Luxon (ta'ita'i National), Gail Gillon (Gagana), i se lisi umi.



Tepa i tua i le mamao ma ausiga mata'ina e mitamita ai i latou uma sa ulufale ma ulufafo manuia



Leasi P T Scanlan



Vui Dr C Nelson



Christopher Luxon



Tufulasi Taleni

E mautu foi le sootaga a le UC ma Samoa, i ana tama fanau sa a'otau ai. E iai le afioga ia Leasi Papalii Tommy Scanlan, le afioga a le faamasino ia Vui Clarence Nelson, ma isi. O le afioga ia Vui na faamamalu e le a'oga i le faailoga foma'i o mataupu tau tulafono, o se vaega lava o le patipatia o lona faailogaga.

E faapena foi i lana atina'e o mataupu tau Pasefika. Sa iai le sao o Samoa i lona ulua'i faatonu, ia Malama Meleisea, ma susuga sa asa le gasu. O loo sologa lelei le atina'e Pasefika i le vaaiga le alii polofesa, Steven Ratuva.

O le vaiaso ua tuana'i sa fai ai se sao o le susuga ia Taleni i lana pepa, O le ala i le pule o le tautua, e molimau ta'utino i lea agaga tautua lelei, mai sa tatou tilotilo faaleaganuu Samoa.

O loo faaopoopo pea le aofa'i o tamafanau Samoa e i'u mai ma ni tusipasi lelei i le UC, saunoa le faia'oga, Lealii'e Tufulasi Taleni.

TALA A'OGA I AOTEAROA:

National: Ta'utino le faamuamua o le Literasi Faavae

I Tauranaga na fa'alauiloa aloa'ia ai le faiga faavae a le National mo a'oga. Na saunoa ai lona ta'ita'i, Christopher Luxon, i la latou fuafuaga mo le faaleleia o le faitau ma le tusitusi a fanau.

Na manino le saunoaga i le auala e fai ai, Literasi Faavae (Structured Literacy). O se auala poo auala e talitonu Luxon o le ki lea i le toe lalagaina o tomai faavae—faitautusi, tusitusi ma le Numera.

E le fou le faiga faavae a le National, o se mea sa faama'ite mai i ana faigamalo ua mavae, ia John Key ma Bill English. Ui ina lu'itauina e iuni a faia'oga i na taimi, a o lenei e foliga ua maea e tasi ai ma le Leipa i lenei taimi.

Ae mau eseese i lona faatinoga. E taofi le National i le faamalosia o lona a'oina i aso ta'itasi. E tofi le mataupu ma le itula e a'oa'o ai i le aso. E manatu o le faiga lea e toso malosi ai i luga ausiga faaleogalua, ma afai ae tausisia e potua'oga uma, e le taumate le vave siitia ma faafo'isia i se tulaga e sili atu, saunoa le ta'ita'i.

E amata le aso i le a'oga o le Literasi i mataupu e tolu. O tomai faavae e fia faamautu e aofia ai le sipela lelei ma le malamalama i le utuvagana o upu e tatau ona iloa e tamaiti. Mai vasega ulufale e aulia le tausaga 8, o le a ave i ai le faamamafa i lea galuega faamautu.

O lenei lava mataupu i le faaleleia o tomai faavae o loo finau ai le Leipa ma le National. Ua iloa foi lona laualuga o se tasi mataupu o le palota o loma nei. Ui ina mau eseese i lona



Ta'ita'i o Niu Sila ma le savaliga i le lumana'i e mana'omia ai se Literasi e le solo i tua ae alu i luma

faiga, a o lea lava ua 'autasi vaega faaupufai i le taua mo a'oga ma lona auiluma.

E o'o fo'i i faia'oga. Sa ta'ua i le tatou ripoti talu ai le mau eseese o le 'aufaigaluega ma pulega i lenei mataupu. Faapea mai le malo e le tasi se auala, a o lea e manino le taofi o le National i le tulaga muamua o le Literasi Faavae (SL) i le faatinoga o le fe'au.

E lagolagoina lea e le 'aufaitofa Pasefika, e manatu o se auala lenei ua faamaonia lona talimana'o mo a tatou tamaiti. O le to'atele o fanau Pasefika e ta'ilua a latou gagana.

Pei ona ta'ua, o le mataupu i le a'oina o le faitautusi e le o manino i se auala e tagatasi ai. Faapea mai le Minisita e aoga uma auala. Ae ese foi taofi o isi e faapea mai, e iai nisi auala e le aoga mo fanau a le Pasefika ma Maori.

Ua manino le uiga o le Literasi Faavae, e tilotilo i vaegamea ta'itasi e faavae ai le gagana, i ona leo, faailoga ma foliga, e ese mai le Gagana Atoa (WLA), ese fo'i le Literasi Paleni (BL).

Faapea mai Luxon, ua tele tupe e fa'aalu e le malo i a'oga, ae le o iloga ona fua mai. Lona uiga, e le o aoga ana auala.

Folafola e le pule lona sauni e tape le veipa i lana a'oga

E manino le folafolaga a le alii pule o Bruce Kearney, e leai se nofoaga o le veipa i totonu o lana a'oga a o avea ia ma pule o Rangiora High.

O Bruce Kearney o le pulea'oga fou a Rangiora High i le motu i Saute, na amata lana galuega i le tausaga talu ai, ma ia iloa ai le sasao a'e o le faafitauli i le tapa'a eleterone (veipa). Ma tonu loa i lana faaiuga e fai se faatatau i ai.

To'atele fanau e tagofia lenei tapa'a, poo le veipa e pei ona lauiloa ai. O le mea ua tupu ua fefefe tamaiti e ulufale i faleui i taimi e fia fa'aaoga ai, ona ua fai mo i latou e fiafia i le veipa (vaping). O lona popolega e moni lava, i le ono tula'i mai o ni vevesi i le va o tamaiti ma afaina ai se tama poo se teine.

O lana tali atu, o le faapipii lea o mea pu'eata i totonu o faleleta'ua, o tulimanu ma vaega o le lotoa e faapotopoto ai. O lea faiga e iloaitino ai i latou o faia, avea foi o se tapu e faavaivaia ai lea amio, ma vave tafi esea ai ma le lotoa a'oga.

Na ia ta'ua le taugata o le tau na faatino ai, ae faapea fo'i lona fa'aaauuina, ae manatu o le tali aupito sili lea. Iai foi ni a'oga e manana'o e fai ni a latou meapu'eata, ae le mafai ona o le tau.

Saunoa le alii pule, o lenei faafitauli mai fafo sa le tatau ona faatagaina e ofi gofie i totonu o a'oga. Na te le talia lea mea e tupu i fanau, i le tulaga e saisaitia ma afaina ai.



Faafitauli o le tapa'a-e e le fuatasi i se a'oga a ua avea ma se faalavelave i le tele o a'oga aofia ai ma tulagalua

E le na o ia e mana'o ai, lagolagoina fo'i e le komiti faafoe ma matua.

Ta'utino nisi o fanau e ulaula tapa'a, sa faapea e fesoasoani i lona tineia, a o lea ua toe saili fofo i se auala e tape ai le mana'o. O molimau faapea sa ta'ua e Kearney, e lagolago ai le sa'o ma le tatau o le faia o meapu'eata.

O le matau a nisi o matua, sa lei faapea le naunau o fanau e fa'aaoga ni sikaleti, se'ia a'e

mai le veipa ma sui atoa ai le uiga faaali. E mafua lea i le maketiina o le veipa o se tapa'a e leai sona afaina i le ola maloloina. E iloga fo'i lona faalauiloaga i le 'autalavou.

I le tau tineia o lenei masani, ua folafola e le malo ni tulafono fou, e iai lea e faamamalu i le aso 25 o le masina. E si'itia ai le faasalaga o le faatau o tapaa-e i fanau laiti. Atoa fo'i ma isi aiaiga fou e puipui ai i latou e fa'aaogaina.

TALA A'OGA VAIFANUA O AOTEAROA:

Malosi le vala'au mo le a'oina o le te reo e fanau a'oga uma



Lumana'i o le te reo Maori e faamoemoe i le fanau e pei o i latou nei, ina ua misi le a'oina e o latou matua

O loo aga'i pea ina leotele le vala'au mo le a'oina o le gagana Maori e fanau a'oga uma a Niu Sila. O se vala'au e manatu nisi e le tatau ona saga faataligatuli i ai le malo tainane o le atunuu lautele. O le finau a tagata Maori, o la latou gagana o se vaega lava o le feagaiga ma le malo, sainia aloa'ia i Waitangi, ma e tatau ona tausia i lalo o lena feagaiga.

I le malosi o le feagaiga e tatau ai ona faamalosi lona a'oa'oina i totonu o potua'oga uma a le atunuu. Ona pau lea o le auala e mafai ona taofiofi ma faualoa ai, finau mai i latou.

I tulafono faavae, o loo ta'ua ai le te reo o le gagana taualoa a Niu Sila. Peita'i ane e le o aliali lea i aga o talanoaga masani, o loo faumalo pea le gagana Peretania. E mafua ai le taofi, e tatau i le malo ona ta'imua i lena mataupu.

Ae na saunoa se ta'ita'i Maori, e le mana'o e fa'aaoga le gagana a le fanua o se polo ta'alo a vaega faaupufai. O le taimi ua faapea mai e fai, ae a lata le palota ua sui foi. E faatatau lana upu i le suiga o le si'uleo o le malo, lea ua faapea mai e le faamalosi le a'oina o le te reo pe a toe tula'i mai.

Mai lava i le 2017 na fa'aalia ai e le Leipa lona lagolagoina o le a'oina faamalosi o le te reo i a'oga tulagalua uma. E faapena foi le Green. O

lenei la suiga e manatu le ta'ita'i e le lelei mo le auiluma o le atunuu. O lona taofi, o le gagana Maori o le tasi measina e iloa ai le tulaga ese o Niu Sila mai isi nuu. Pei fo'i o le haka ma isi mea tau Maori o loo tiu ai tagata Kiui.

Ui la ina te'ena pea sea fanoga, ae o loo lelei lagolagoina le gagana Maori e ala i faiga faavae a le matagaluega o a'oga, ae faapea fo'i le lautele o Niu Sila i galuega, atoa fo'i totonu o a'oga mā latou polokalame mo faia'oga. Iloga fo'i le tula'i mai o nisi ona ta'ita'i talavou e faaleo ma faatino le tiute faata'ita'i.

Tusa i faamau lata mai, ua iloa ai le si'isi'i malie a'e pea o le pasene o tagata Maori ua mafai ona fa'aaoga la latou gagana. Ui lava na o se pasene faaleiloga e sosolo le tautala, ae ua iloga le numera o e mafai ona fa'aaoga ni fuiuupu poo ni upu i talanoaga.

Ae mautinoa, o le faamoemoe o le te reo o lena i lana Kohanga Reo, i le atina'e o le gagana mo fanau iti, o i latou le lumana'i o le gagana.

O le gagana Maori na vaoia lona fa'aaogaina i totonu o potua'oga a Niu Sila e lei mamao atu. Na pasia se tulafono i le 1847, togia ai le Igilisi o le gagana muamua o a'oga. Na faato'ā pasi le tulafono o le avea o le te reo ma gagana taualoa a Niu Sila i le 1987.

Mau eseese i mea'ai mo le fanau

O le tasi o mataupu o loo mau eseese ai le National ma lona soa, le Act, o lena o le fagina fua e le malo o tamaiti.

Faapea mai le ta'ita'i o le Act, Seymour, o se faiga faamaumau tupe lena, ae manatu le National o se polokalame e ao ona lagolagoina. E faapena foi le Green ma le Pati a Maori.

O le tausaga fou e uma ai, ae e le o manino se tali mai le malo pe fa'aaauu pe leai. Pau lea, e foliga e lagolagoina e le atunuu lautele le polokalame e fua i finagalo fa'aalia o matua ma ta'ita'i o faiganuu.

Talu ona amata, ua mafai e le polokalame ona tufatufa atu ni mea'ai se miliona i a'oga e 998, i fanau e tusa ma se 230,000 le aofa'i. Pe a ma le 1 mai le 5 o fanau a'oga e o mai i aiga e tau faasoaso tupe, aafia ai le tausiga o fanau i le tino.

Avea foi le polokalame ma auala e maua ai galuega mo e iai tomaiti i le kuka ma gasesega o mea taumafa.

Mana'omia ni saienitisi Pasefika

E mana'omia vave ni saienitisi Pasefika, o le fe'au lea i se fonu a'oga i Aukilani i le amataga o le masina. I Fergusson Intermediate i Otara na aofaga i ai fanau a'oga a le itumalo, e faalogo logo i le fe'au a le STEAM, i le taua o le Sainenisi, Tekonolosi, Enisinia, ma le Matematika, o ni galuega mo le lumana'i.

O nei mataupu o loo falala i ai faiva mana'omia e le malo ma le pisinisi, ae na o le 13 pasene o tagata Pasefika ma Maori e galulue ai.

E 17 pasene o Niu Sila o tagata Maori (892,200) ae na o le 11 pasene o lona aofa'i e maua se a'oga teseri, 5 pasene e galulue i faiva su'esu'e, ma le 3 pasene i su'esu'ega tau pisinisi.

E 8 pasene o Niu Sila o Pasefika ae na o se 4 pasene o lona aofa'i e ulufale i se iunivesite, e na o le 1 pasene e galulue i galuega su'esu'e, e aofia ai se tasi o mataupu e fa (STEM). Ua laasia le 380,000 o le aofa'i o tagata Pasefika i Niu Sila, 182,000 o Samoa, talu mai le faitauga i le 2018.



Te Ope Whakaora

O le vaimasina lena o le sailiga fesoasoani a le Salvation Army ia Niu Sila, e asia ai lou lumafale pe logoina foi lau faauta i luga o auala o fesooota'iga faaneionapo. O le a se foa'i tupe e te mafaia e lagolago ai ana fuafuaga, e talia ma le faafetai. Faafesoote'i le telefoni 0800 53 00 00, pe asiasi i le Upega Tafa'ilagi salvationarmy.org.nz. Faafetai.



Ne'i Mea Ane ua Galo

Faaiuga faigata Setema 1982



TUPU i faigamalo temokarasi a o se mea e seāseā tupu, o molimau ia a le 'aumatau o upufai faaletulafono. Na tupu ia Gough Whitlam o le malo Ausetalia a o lea fo'i na tupu ia Vaai Kolone o le malo Samoa, ina ua faatino tiute o isi pule e tusa i le malosi ua ave i ai e le faavae. O Gough Whitlam na tuua le tofi palemia e ala i le pule a le Kovana Sili, a o Vaai Kolone, i le pule a le faamasinoga.

Mo se lelei o Samoa, e le faigofie ona faatusatusa le lua auā o Ausetalia na mua i faigamalo temokarasi, a o Samoa i lea taimi e na o se 20 tausaga talu lona tuto'atasi. E le faatusalia fo'i ona o le eseese o aganuu faaupufai a malo e lua. E manatu ai i le mea na tupu o se lu'i na talia e Samoa, poo le afioga foi ia Va'ai, i aga faatamalii e masani ai Samoa.

I lena taeao o le aso 18 o Setema, 1982, 41 nei tausaga tuana'i, na tumutumu ai Apia i le lauina o le faamasinoga i le va o Vaai Kolone, sui faipule o Vaisigano, ma le Itu Tagi, e faatatau tonu i moliaga faasaga i le faipule. O moliaga e afua mai i le iuga o le faigapalota na tuua'iina ai le sui faipule i le vao tuua'iga, e aofia ai le faatosina e soli ai le tulafono, aemaise tuua'iga matuiā, o le palota o ni tagata ua maliliu.

I le malosi o le faaiuga a le faamasinoga na tuua ai e Vaai Kolone le tofi ta'ita'i o le HRPP, le tofi ta'ita'i o le malo, aemaise o le tofi faipule a lona itumalo. Ae na toe fo'i mai i le palemene i le palota o le 1985, ma toe maua le avanoa i le tofi palemia e ala i le malo soofaatasi ma le vaega faaupufai a Tupuola Efi.

O le faamasino i lea taeao o le alii Niu Sila o Russell Callander, 45 tausaga, sa tauavea le tofiga i se konekarate e lua tausaga. Tusa i molimau, o ia se faamasino e mautomai ma ma'elega i lona faiva, e le o se tasi e saili ta'uleleia mo ia. E pei ona molimau se nusipepa o lea taimi, sa auina atu se tusi faamata'u i le ofisa o le alii faamasino, e le iloa pe mai ia te ai, a o loma se iuga. E ta'u mai ai, sa lei aiaina ai lana faaiuga.

E aulia mai le nofoaiga a Callander, ua logo ia Samoa se si'uleo o le faameo, faapea e le malamalama faamasino papalagi i tu ma agaifanua a Samoa, e mafua ai ona latou faamatala pitotasi le faavae ma tulafono. Faata'ita'iga, o nisi o faaiuga sa faia e faamasino mai fafo, e aafia tonu ai tagi o faiga palota, sa iloga le faitioina. E iai faaiuga a i latou i le mataupu i faatosina o palota ma tu masani o fa'aaloaloga faaSamoa. O fea le tua'oi? I la latou vaai, o soo se mea e avatu, taimi o palota pe leai fo'i, o se faatosina. O le mataupu a Vaai e ese teisi.

O mataupu i le va o aia tatau a le to'atasi ma le to'atele, i se nuu o alii ma faipule, sa avea foi ma talanoaga faalaua'itele, ona o le lilifa o faaiuga a faamasino i le aia tatau a le to'atasi. O le faaiuga a Russell Callander i le mataupu a Vaai Kolone, e fesoota'i lava i le puipuiga o le aia tatau a le isi suitauva. E na o se 6 masina na galue ai Callander ae faamavae. Ma e malosi le masaloga, e mafua i le tusi 'faamata'u' ua ta'ua.

Ua atoa ai nei le to'atolu faamasino sili o ni suli o le eleele, ma e ui ina taliina ai le mana'o o Samoa i ni e 'e malamalama i le aganuu, ae talitonu e le o suia ai tulafono tumau (principles) e ta'iala ai soo se faamasino, i le tausisia o le mea amiotonu pe afai e lamatia le aia

O LE ASŌ I LOU TALA FAASOLOPITO

SAMOA HISTORY

"Ne'i mea ane ua galo"

Copyright Reserved LPSTavita

~ SETEMA 18-30 ~

18
1970 Amata tautua faletalimalo Hideaway
1982 Lau iuga faamasinoga aafia ai tofi faipule o le palemia Vaai Kolone

19
1898 Taliu mai Mata'afa Iosefo sa fa'aunuu

20
1906 Vevesi Amaile ma Mutiatele
1933 Faaulufale Malumalu Katoliko Leauvaa

21
1886 Tatala falemeli Siamani i Apia, faatau atu ana ulua'i faailoga lafotusi

22
1910 Suitulaga Dr Shultz (Sulusi) ia Dr Solf

23
1979 Faavae vaega faaupufai HRPP

24
1879 Vevesi Safata ma Atua
2002 Tofia Ida Malosi ulua'i tamaitai Pasefika i le faamasinoga Niu Sila

25
1836 Taunuu aumalaga su'esu'e a D'urville
1844 Tatala ulua'i seminare LMS i Malua,
25 le vasega faavae
1961 Faitau aofa'i o Samoa 114,427

26
1850 Aso soifua Emma Eliza Coe faipisinisi
1924 Malo Samoa ia Fiti, Apia, 9-3
1926 Faavae Komiti Sitiseni 11 sui faavae e iai Taisi, Malietoa, ma Tuimalealiifano
1993 Faalavelave i Lona Fagaloa maliu ai se tasi o le nuu i le faatonuga a matai

27
1845 Talimalo Apia ia Roudaire ma Violette o le misiona Katoliko

28
1026 Fo'i mai Taisi mai Ausetalia ma Niu Sila i galuega a le Mau
1972 Lauga Tofa Siaosi fono kovana IMF
1977 Lauga Tupuola Efi Fono Malo Afaatasi

29
1914 Faatau atu faailoga lafotusi a le pulega fou Niu Sila, o ata o Samoa
1982 Toe tofia Tupuola Efi o le palemia tete'e le Itu Aga'i i le tofiga
2009 Lofia gataifale o Samoa e se galulolo, 189 maliliu ma le to'atele manunu'a

30
1918 Faitau aofa'i o Samoa i Sisifo 38,302 to'atele na maliliu i le faama'oti
?
1922 Avatu gasegase lepela a Samoa i Fiti



Russell Callander

tatau a le to'atasi po'o le tagata vaivai. E faapena foi pe a lamatia le aia a le to'atele ona o le to'atasi. E pei ona atagia i le faalavelave i

Lona, Fagaloa, 30 nei tausaga tuana'i. E tu lava le faamasinoga mo le to'atasi, pe a soli le tulafono. Ma e lei faasaoina e na taulamua i le faalavelave, o e na faitonu ma e na faataunuuina.

Atonu o le fe'au taua mai lea mea, o le taliaina o le iuga a le faamasinoga e se isi pule, aemaise lona taua i le na vaitau tonu o le souā o upufai a Samoa.

O faamata'u e faia i ta'ita'i o le malo e iai faamasino o se mea e le tuumamaina e le tulafono—Samoa ma le lalolagi. E matuā taua le filifili sa'oloto, ma le saogalemu o faamasino e fai ai a latou faaiuga.

Fai mai se taofi i le taua o le mea na tupu, na saga malosi ai le talitonuga o Samoa i le temokarasi, ma ona sini faavae o pulega faatauagai, e faatino i se si'osi'omega e malu saogalemu. E taulamua ai ta'ita'i i le faamamaluina.



Faasoa o le Vaiaso:**Tatou te a’o’oga mai i le tala o uso a Maori**

E LE FAATUSALIA lo tatou tala ma lena o uso a Maori, ma e faatatau tonu le upu ia tatou faiā faakolone o le talafaasolo.

Eseesega muamua, o tatou ua tuto’atasi. Ua tino mai le upu Samoa mo Samoa, ae le faapena isi o tatou uso Polenisia e pei o Tahiti, Hawaii, Makuesa e aofia ai ma tagata Maori. Ui lava ina finau Maori mo lo latou tofi tutusa i le Feagaiga i Waitangi, ae o loo te’ena pea e faigamalo pulea e papalagi.

I le o lea e le iloa se taimi e tino ai le pule so’olua o loo avea nei ma talanoaga faigata i lena taimi i upufai o Niu Sila.

A faitau mai le mamao i le 1840 na saina ai le feagaiga, ua atoa le 183 tausaga, ae tuu ane i le faasoaga o le pule, o le tala malamalama. Toe a ina le faimea tagata Maori, ona o pulega faumalo na aumai e isi mai fafo. Alu a’i ua avea ma ni e faasinoesea i o latou lava tofi eleele ma measina. Aemaise ai o so latou tamaliiaga o ni tagata e tumua’i tutusa ma isi fo’i tagata soifua.

E o’o lava i la latou gagana toe a ina mamulu pe ‘ana leai le lotonuu o nisi ana tamafanau. O i latou na tauvalaau mo le toe lalagaina, mai tausaga fituseulu e lei mamao atu. Ona iai lea o le Kohanga Reo, ma toe fagua ai le gagana a mate. Taimi nei e foliga o le gagana le manulauti a i latou i le toe faatuina a’e o le pule a tagata o le fanua i o latou lava fanua.

E foliga foi ua latou iloa le auala i le faafo’isia o le pule, o le gagana ia mautu ma maua’a i fanau lalovaoa. O le pule e toe maua pe a e tautala ma lagona le malosi e afua mai upu o lou lava faasinomaga ma le tofi.

Mo uso Tahiti, Hawaii ma Makuesa e faapena foi, i le taulagalaga a ni tamafanau mo le faafo’isia o le pule ua avea. Mo le faafo’isia o le gagana mai tua’a ua faoa. I le tula’i mai o le mataupu ia Maui, e atagia ai se ata faanoanoa i le tulaga pule’esea. Motu o Hawaii o ni meatotino a e mauoloa o Amerika, ma o se faafetai lea i o tatou tua’a sa taofiofi i’umaea, penei ua tatou ui ai foi i le ala lea.

E auga a tatou tamaiti ma le Saienisi?

Fai mai na o se 4 pasene o tagata Pasefika e maua se a’oga i le tapulaa tolu (teseri) ae na o se 1 pasene e galulue i galuega e a’afia ai ni su’esu’ega i mataupu e fa, STEM (Saienisi, Tekonolosi, Enisinia, & Matematika). E le o ta’ua ai le faiva o le foma’i & tausima’i.

E le faigata ona iloa atu le tulaga o le le tosina o fanau i nei mataupu. A o ni mataupu lava o loo aupito mana’omia i nei aso i le atina’e o malo ma tautua faapisinisi. E faalogo soo i le upu, o mataupu faigata, poo lea e mafua ai ona ‘alofia e fanau. Pe iai foi se isi mafua’aga i tua atu. Ae pe o faapefea le tulaga o ni aganuu i tua o nei mataupu? Auā afai e leai se na aganuu, e tataua la ona tatou tilotilo i ai. O soo se aganuu e amata mai i le aiga, sosoo atu ai le a’oga, le nuu, le si’osi’omaga

E le faigata le leiloa o le fanua ma le leiloa o se gagana, mo Maori, e lei utuva le feagaiga ae amata ona faoa eleele i le pule a le ututau ma le fana. Ui lava i le malosi o Maori e tali atu ae le faatusalia tao ma fanafanua. E na o le tasi le tupulaga ae faasolo ina leiloa foi le gagana, faafetai i sina vaega sa faaolaolaina, ui lava i tulafono faailogalanu i a’oga ma galuega.

Lenei a fesili pe mafua i se a le tumu o to’ese i talavou Maori, aisea le lolofi atu i kegi, ma ‘aisilia i le solitulafono, aisea le le ausia o tapulaa moomia i a’oga, e mafua i lona talafaasolo.

Ona ua tofo tagata Maori i le tiga o pulega faakolone, o lea foi ua latou finau ai e sui le tulaga o mea mo so latou lelei. Avea ai le a’oga ma faavae o lena suiga. Pei ona tauavamea le alii o Sir Apirana Ngata, o le ulua’i loia Maori. Sau a’i le lisi o i latou i faiva eseese, ulufale foi nisi i le palemene ma faia nisi suiga.

Poo le a foi se taumafai o nisi Maori pei o Winston Peters e taofi le pa’ō o talipalau, ae foliga e le toe faalavelavea le savaliga i luma. O lena pa’o e lelei foi mo tatou, pe a auai i lena savaliga a tagata o le fanua.

E iai le sootaga o le toe fagua o le te reo ma le toe tutu a’e o Maori e taofi lo latou tofi, molimau atina’e o pisinisi ma faatufugaga. Avea ai le haka ma ana measina o ni mua’au fou i le toe fagua o la latou gagana i soo se nofoaga.

Faamiumi se tala, ae toe fo’i i le fesili, o le a tatou te a’oa’o mai i le tala o uso a Maori? Muamua, i le agaga finafinau o nisi e faama’ite suiga ona o pelega o le tofi. Ta’ita’i pei o Ngata na manatu e toe maua le tofi i le avea ma se ta’ita’i lelei a’oa’oina. Ta’ita’i Maori i pisinisi ma faatufugaga. Ua iai le vaega faaupufai e lotolotoi i taupulega. Auā e iai le fe’au i le tau mamulu o le tofi, e tinou ai e toe pu’e mai, ae mo e ua maua, atonu o le fili, o le le toe manatu tele i ai. O le iuga, e ono faate’ia ai i se taimi mulimuli ane.

O le faamoemoe o le Laumua o Mataupu tau Samoa i Le Papaigalagala, i lana fonotaga o Measina, 26-27 Oketopa, ina faamautu pea le ‘u’uina o le tofi, ia ‘aia lava ona toe mamulu.

lautele. I nei foi aso ua amatamea le malo. O latou e inivesi i fanau ma o latou aiga ina ia tapu’e ma faaolaola se na aganuu.

Ua iloa lava malosiaga masani o i tatou, i le Atisi poo faiva faatufugaga. Ae e ama lava i mataupu e pei ona ta’ua. Pe mafua i le le faafailelea i a’oga ma potua’oga? Pe mafua i le le lava o se lagolago mai le malo? Pe mafua foi ona o le le nofoilo i lo latou taua i atina’e o malo ma tagata? Ae a le sufi a matua? E taua tele le tapenaga o se na aganuu.

A manatu i le taua o le sologa lelei o atina’e faalemalo, e le fesiligia se inivesi i nei mataupu e fa. Auā e tutu tamaoiga o malo i luga o le tekonolosi ma le saienisi, i foma’i ma enisinia, ma faia’oga.

O le tali la, e matua āuga, ae tataua ona iai se fa’aaliga ma se fuafuaga poto mai ta’ita’i e faataunuu ai (Faata’oto 29.18).

Tulimanu o Pola:

Tena koutou, tena koutou katoa. Fiafia e faatalofa atu i le gagana a tagata o le fanua. Ae mua pea le faafetai i le Tamā i le lagi, i lou soifua ma so’u malosi ua tatou toe fesilafa’i ai i lena foi taeao manino. Malo le soifua maua.

Ma’eu lena vaiaso o le faailogaina o le te reo, ae faapena foi le fakaTonga, na muamua atu. Ailoga na iai se a’oga na lei auai. Tutusa lava Toga ma Samoa i le tapenapena, aemaise i le fofoga taumafa. Sa ou asia le matou Kaupapa, e tele le Kia Ora ma faguva. O le latou tala, e taua le soifua maloloina. E sa’o lelei.

Ae moni le finau a uso Maori i o latou tofi. Ana ou le ta’ase foi a’u i nuu ese ou te le iloa le taua o la’u gagana. Faapea lava a’u o se atalii o Igilisi si tatou gagana ae leai, e ulumatua i le fanau. O Igilisi ia, na alu atu i le Tofua, te’i ua fia nofo. O le tala lena a lo’u faia’oga o Sola.

Vili mai le fanau pe fai se pati o le aso fanau o le OLA, sa ou fesili i e ta’ita’i, o le tali, e fai a le pati a le aiga ia. Ae vaai ane le tatou paso e fai pe maua ai le \$100 Niu Sila. Ou te matua lagolagoina le mau a le matou Kaupapa, tatou faamuamua le soifua maloloina. Ae maua le tusi faitau e lafo atu, ae vili mai.

Ua atoa le 150 tausaga o le UC. E faafetaia le Matai Sili i lana faasoa. Tele nei tausaga, iloga foi le tautua e le gata mo Niu Sila ae faapea le lalolagi e ala i e sa a’otauina ai. A ia manuia tele le aso fanau UC. Up the USE!

A tutupu mai faalavelave i lea itu ma lea itu o le kelope e o’o mai ai ma le faanoanoa. O le mea lea e faafetaia ai le Lakapi i lena lava taimi. Faafetai Wahs i le tafi esea o ao pogisa sa i luga o le nuu. Atili le pogisa i faatosina a vaega faaupufai. Toe faaopopo le inumaga o le ‘oli’oli i le malo a le Manu ia Sile. Ae tamaiti, omiomi pea le so’ona mimita, se’i au i le tini ona ususū taavalevale lea.

To’atele na faanoanoa i le malolo o le AB i le taaloga amata. Ia te a’u lava ia, o se tonu mai le lagi. E lē manaia lou talimalo ae faia’ina lau ‘au i le tou lumafale. E pei lava o le malo o Niu Sila i le soka a teine, na uma loa uma. Ae o le mea taua sa malo i le ulua’i taaloga.

E iai mea e le ‘alofia i le olaga, o palota ma lafoga–ia ma le Koviti. Matau ma le toto’a aga o upufai a Niu Sila foi ia, a umi se faigamalo ua manana’o foi le aupalota i se suiga. E alofa ai i le Leipa, ona sa fetui ma le ma’ema’ea o le Koviti, faamavae ai se palemia lelei. Ae faapea foi le mau lologa, saofia ai le talepe faleoloa o fanau ta’i lima tausaga. E le ni tama’i lu’i nei. Ae mafua uma mai i le Koviti.

O le uiga o le tala, ne’i avea se ‘ai o le Leipa i le malomaloā o kemupeni o fai nei, ae afai e sui le malo, ia, e mafua i lena manatu, e fai se suiga. Ua fia va’ai fo’i tagata i ni mata fou, tusa lava poo se ulupoo fou ae aulelei–pe a. Ae pule lava le ‘aupalota. Ae o se faasoa fo’i lea ua mafai. Se upu ua sala faafo’i mai. Manuia.

UILI FAU UPU

Saili tali o fesili o lo'o i lalo. Pule oe pe sipela i luma (clockwise) po'o tua (anticlockwise).

E sa le feosoosofa'i.

1. Ta'u mai se uiga o le upu *manu* i le 1. Samoa 2. Igilisi:

2. Sa'ili ni upu se 5 e faai'u i le fasiupu *ia*

3. Su'e se upu e 9 mata'itusi ma tusi sona fa'amatalaga:



4. Tusi uma upu/ fuiupu e ta'i 3-9 mata'itusi, ma o latou soa i le Igilisi (E faitau ai ma upu ta'ua i le 1, 2 & 3)



Lelei atoa = 12 upu

Lelei tele = 8 upu

Lelei = 6 upu

FA'ASOA LE ATA O LE LA'AU POO LONA FUA MA LONA IGOA

1. KOKO
2. PUA
3. OLIOLI
4. MOSO'OI
5. TEUILA
6. AUTE



Galuega fa'aopoopo:

1. E iai ni aoga o nei la'au i tagata/ ma le si'osi'omaga?
2. E iai ni upu/solo/pese a Samoa e fai i ai?
3. O a ni faailoga e tulagaese ai?
4. E te iloa ni isi o latou igoa i isi gagana poo la tatou fo'i?

(Fesili i ou matua poo le faia'oga mo se fesoasoani)

SUDOKU: Faatonuga:

Fa'atumu pusa numera (tama'i sikuea) i fuainumera 1 i le 9. Ia uma ane le galuega ua maua atulaina ta'itasi (tu, fa'alava) o iai le 1 i le 9. E tofu le atulaina ma lona fa'atulagaga e ese mai le isi.

EDITOR: Rights to the above images reserved.

PASO I GAGANA E LUA/15

Faatumu i upu/igoa Peretania e soa tutusa (va'ai i le ftg.)

Fill crossword with English words/names

1		2		3		4	5	6
					7			
8				9				
			10					
11	I	T	A	L	I	C	12	13
					14			
15	16		17		18		19	20
					22	23		
24		25		26		27		
				28				
29						30		

©LPSL TAVITA

Faalava ~ Across

- 1 tatalo (6)
- 4 'ata e leai se leo (4)
- 8 a'au i le sami (4)
- 9 togalaau o tina (6)
- 11 mata'itusi e lolo'u (6)
- 12 tama'i solofanua (4)
- 14 alu (2)
- 15 o malo vala'au o se aso fanau poo se faau'uga (6)
- 19 aso ua filifilia (4)
- 22 ki le masini (2)
- 24 Tusi Paia: Mose (5)
- 27 aunese (5)
- 28 faatino le tala (3)
- 29 gaoiga (5)
- 30 Aikupito (5)

Lalo ~ Down

- 1 nofoaga tutu ai taavale (7)

- 2 fua faatatau, evalesi (7)
- 3 E? (upu ofo/te'i) (2)
- 5 leitio (5)
- 6 tausitama e totogi (5)
- 7 tusi le igoa i se fasipepa (3)
- 10 lisi (4)
- 12 atigi o se fatu la'au (3)
- 13 upega (3)
- 16 faalapopotoga malo o le lalolagi (3)
- 17 faapuupu o Susan (3)
- 18 Soa o le upu **tele** i le fuiupu, Ua ou fiafia tele (2)
- 20 uso o lou tina (5)
- 21 filifilia se tasi i le palota (5)
- 23 nota o le pese (4)
- 24 feiloa'i (taimi ua te'a) (3)
- 25 vaai (3)
- 26 nofo (taimi tuana'i) (3)

SUDOKU ~ TAALOGA I NUMERA

(sudoku.com)

5		7	3	2				
	3	6		5				
				6		5	7	3
7		2	8				5	1
		1				4		9
4	5	9	1	3				
1	4		7	8				
			2	9	4	8		5
	9	8			5	7		4

TA'ALOGA FOU ATIA'E AI TOMAI LITERASI I GAGANA E LUA:

API the Speller

Rules:
 1. Build as many English words as possible, start with three letter words.
 2. Every word you build must include the Alpha Letter (centre) in the spelling.
 3. Each letter is used only once, including the Alpha Letter.
 4. The class as individuals or groups can play this game. 1 point for one three letter word, 2 for four letter word, 3 for five, and so forth.



Three letter words (total 13)

Four letter words (total 18)

Five letter words (total 8)

Six letter words (total 3)

Seven letter words (total 1)

SU'E LOU MALAMALAMA I LE MATAUPU: MANU SAMOA

E TO'AFIA NI TAMA O LE 'AU MANU SAMOA 2023 E TE ILOA I LE ATA?



Tusi o latou suafa ma tulaga:


Ati tomai i gagana e lua

E faatatau lenei i le fa'aaogaga lelei o ni gagana se lua pe tele fo'i e atia'e ai tomai taugagana. O se auala lelei e lagolago ai fanau e ta'ilua pe tele ni gagana e fia a'oia.

- O nisi nei upu e fa'aopoopo i lau utuvagana o upu Samoa.
- agiagi**—soa Peretania **light blows**
 O agiagi a le savili i le afiafi.
 - aualuma**—soa Peretania **band of young unmarried women**
 O Ruta o se sui o le aualuma a lo latou nuu.
 - aualofa**—soa Peretania **to pay tribute, to pay homage**
 Ua usu lana pese e aualofa ai i lona tamā.
 - āuga**—soa Peretania **symptoms**
 O āuga o le faama'i o le tale ma le niniva.
 - āuga**—soa Peretania **be able, to fit, to match**
 E le āuga oe ma le galuega o le fai ma'umaga.
 - aumā**—soa Peretania **be of any more use, necessary**
 Pe aumā ni isi faatosina a ua o'o mai le palota?
 - āuliuli**—soa Peretania **genuine, indigenous**
 E iai lava o tatou taofi āuliuli o ni tagata o le fanua.
 - āluga**—soa Peretania **course of events in time and place**
 O āluga o suiga e le mafai ona 'alofia.
 - āfega**—soa Peretania **turning**
 E tu le falea'oga i le āfega muamua.
 - āvagalima**—soa Peretania **to take as a present, be handy**
 Sa āvagalima le malaga i mealofo faaleaganuu.
- Manatua e uigalasi upu. Su'esu'e fo'i mo isi uiga o nisi o upu o i luga.

~ TAALOGA PASO SAMOA I LE GAGANA SAMOA ~ POTO LAUTELE ~

1. Faatumu le pusa i upu/igoa Samoa poo se tasi e faatonuina.
2. E maua le faailoga \$100 mo sē e muamua faatumuina le paso i lona sa'o atoatoa (Totonu o le vaiaso 1).
3. E leai se tasi na maua le faatulagaga sa'o o le paso lomiga 14.



Copyright LPSL Tavita 2023

FAALAVA ~ ACROSS

1. fonofono masae o le upega fagota (5)
4. Ipu Lakapi 2023: soa kapeteni Manu Samoa: Michael ? (9)



9. vaiaso faailoga Setema i Samoa (6)
15. mea e tupu i se taavale saosaoa ae lavea (11)
16. o se mea e tupu faanoanoa ai (11)
17. Pese: Ua lologo le _ ma le pa'o (3)
18. Tino: o le ivi e pipii i ai ivi 'aso'aso o le fatafata (9)
24. Fuiupu: Samoa _ i luma (6)
25. Afioga Salafai tua'oi ma Saipipi (4)

26. Se fasiupu e fau ai pelulale veape (2)
28. Leo sa'o: E sili si mea'ai (manumanu/magumagu) (8)
32. igoa o se manu faiseu (3)
33. Tama Lakapi iloga: _ Nonu (3)
35. igoa o se manulele, amata i le M (6)
36. o se tali musu (2)
37. Teine pese Niu Sila e ana le pese— Over You (3)
38. O le ā e lama e le ti'otala? (2)
39. loto e afio ai Iesu (9)
40. Taimi tuana'i: e muaina se veape (2)
41. Ipu Lakapi: soa kapeteni Manu Samoa: Chris ? (3)
42. igoa o se laau i le togala'au (6)
43. faaputu faatasi ni mea (2)




45. la'au umi e seu ai lupe (3)
 46. o se ta'u faamama'i o se e pele (2)
 48. Pese: O ai ua gasolo i le fono i Malua? (8)
 49. malosiaga e vevela (3)
 51. tilotilo i luga (2)
 53. o se folafolaga o le faamaoni (8)
 56. se isi ta'u o le aai e nonofo ai (3)
 57. igoa o lo tatou fetu (2)
 58. Manu Samoa: Se isi Chris ua avanoa mo le 'au a Samoa Ipu Lalolagi (10)
 59. ofo e avatu fua (4)
 60. itula e momoe ai (2)
 62. Hawaii: igoa o se tasi ona motu (5)
 64. Fesili poo fea e o mai ai le malaga (3,3)
 68. Sa'otama'ita'i Malietoa (4)
 70. 'ula a alii i fiafiaga faa-Samoa (7)
 74. Se afioaga i Aleipata (5)
 75. o se taumafa Samoa (3)
 76. mou atu se tu poo se aga (6)
 79. pe a apili se ivi i'a i le fa'a'i (4)
 80. e mafai ona onosa'ia (7)
 85. e tu ai le fugalaau (2)
 87. pelulale o le se ile fuiupu, Se tama (2)
 88. se afioaga i Amerika Samoa (8)
 89. ma isi ua le ta'uina o latou igoa (6)
 90. o se iniseti fiafia i le moli (7)
 91. mata'itusi lona 8 alefapeta (2)
 92. e le mafai ona vaai (2)
 93. ala i le taeao (6)
 94. Pasi le polo i le lakapi ae a le kirikiti? (2)
 95. itula amata o le aso (5)
 98. ta'uta'u atu mana'oga i le tatalo (7)
 100. Fuiupu: Matu mai _ (3)
 101. igoa o se laau 'aina ona fua (3)
 102. 'u'u i le lima se mea aogā (9)
 103. afioaga susu ai Fata ma Maulolo (5)
 104. Tusi Paia: O le a na feavea'i ai le Paia o Isaraelu e lona nuu i le toafa? (7)
- LALO ~ DOWN
1. e tu lata i le sami (5)
 2. faamatala ai le malosi o le malulu (5)
 3. O manu e fegasoloa'i faatasi (5)

PASO SAMOA TAALOGA MAUA LE TAU TUPE

- 5. se ituaiga la o vaa folau (5)
- 6. Tusi Paia: upu Eleni o le amataga (5)
- 7. o e nonofo i se fale (6)
- 8. Nauna o le veape ola (7)
- 10. vali i le 'ele Samoa (4)
- 11. Upu lilo: saili le ituaiga ita (3,9)
- 12. Fuaiupu muamua o le pese lotu tuai EFKS 157 (3,3,3,2,4)
- 13. faaleagaina e le matagi (4)
- 14. Tu'uga fautasi Mati 1971: na mua ai toe tulua vaa mai Fagaloa. O le 'Oti le tasi ae o le a le igoa o le isi? (5)
- 19. mamanu pito i luga o se tatau (3)
- 20. oloa e lei fa'aaogaina (3)
- 21. tuana'i (3)
- 22. o se a'a faamanogi mea'ai (3)
- 23. lafo le taula o se vaa (4)
- 26. Atunuu talimalo Ipu Lakapi Luni (6)
- 27. O se vavau fesoota'i i le talatuu ia Manu Samoa (10)
- 28. Aganuu: taeao Katoliko Roma (8,2,7)
- 29. igoa atoa: Ekalesia a Iesu Keriso o le Aupaia o Aso e _ (4,2)
- 30. o se pitonuu o Falealupo (9)
- 31. Pese Punialavaa: _ le Feagaiga (4,1,3)
- 33. fai atu se toe upu a se matai e avatu ai lona suafa i se isi (5)
- 34. konetineta aupito to'atele tagata (4)
- 36. 'ati e le vai/sami le fanua (3)
- 44. ave ese pulu o le niu (2)
- 47. Faasaleleaga: igoa o le tolotolo i talatuu a Samoa (6)
- 50. Fa'aaloalo faafitafita (5)
- 52. O le aso na se'i te'a atu (7)
- 54. Aganuu i maliu (3)
- 55. Puipui ai fale Samoa mai le timu (4)
- 61. leo pe a taofi tutū se taavale (2)
- 63. Upu Samoa: mama i _ (2)
- 65. o se mauga i Samoa (3)
- 66. fa'aaloalo i matua (3)
- 67. galue e sili atu i le taimi masani (3)
- 68. Tama'i fautasi e faimalaga ai (6)
- 69. Laufanua Samoa: se vaituloto laitiiti gauta o Ti'avea (7)
- 71. fanuaoti (3)
- 72. Upu fou: e sa'o ma tonu (3)
- 73. ma'ama'a papa'e (3)
- 77. Tama faitifaga Samoa: Jay ? (7)
- 78. Ma'i o tina (7)
- 80. tanumia e le vai, ua le iloa atu (7)
- 81. ta'oto pe nofo i le moa o le fale (7)
- 82. igoa o se matāvai i Saleimoa, igoa ai se faia'oga tama'ita'i (7)
- 83. faafeagai ma Auamala (7)
- 84. Alii fusu ta'uta'ua: David ? (3)
- 86. O se tala malie (4)
- 91. suavai vevela o le maugamu (4)
- 95. mati'e seu lupe (3)
- 96. tauanau (3)
- 97. Muagagana: O le laau e tu ae _ (3)
- 99. Siata alefapeta (2)

TALI PASO LOMIGA 14

S	A	I	N	A		M	A	I	E	S	E	T	E	T	E		T	A	U	F	A	U
A		N		M		A		S		E		A		A		T		L		A		T
L	U	A	F	A	T	A	S	A	G	A		F	A	A	L	A	V	A	L	A	V	A
E		I		S		L		S		N	O	O		V		N		I		P		G
F	A	L	E	O	P	O	M	A	A	O		L	A	A	L	O	A		L	A	O	A
U		A		N		N		E		A	T	A		L		A		S		P		L
	A	U	T	E	V	A	O		O		A		M	E	I		M	A	T	A	I	O
F			O		A		T	A	L	O	L	O	A		N	O		T		L		L
A	U	A	U	N	A	G	A		O		I		E	L	I		S	A	U	A	N	O
L		T		A		A		T	O	A	U	L	A		T	U		U		G		T
E	M	O	M	A	I	T	A	I		U		I		A	I		P	A	T	I	N	O
U		M		M		A		U	A		M		T		A	S	U		A		O	
M	A	I	M	A	I		A		I	T	A	G	I	A		E		A	L	O	F	A
A		K		N		I	M	O	A		L	P		S	U	A		I		O		
U	L	A	P	U	A		O		T	O	O	M	A	G	A		T	O	A	L	U	A
T			O		F	A	N	U	A		A		U		F	A	O		L		T	
U	O	S	I	L	I		I		T	O	F	I	L	A	U		A	M	O	T	A	I
A		A		A		T		A	A		U		A		N	A		U		A		O
G	A	T	A	I	V	A	I		U	T	A	I		V	E		P	A	U	L	I	A
I		U		L		E		M		E		R		A		E		A		I		N
A	T	A	M	A	I		T	A	G	I	L	E	A	T	U	N	U	U	P	E	L	E
G		L		I		E		U		O		N		I		U		E		I		
I	N	A	I		S	E	G	I	A		F	E	T	A	U		S	U	A	V	A	I



Lagi o Paneta

E valu paneta o lo tatou la Fa'afofoga mai se'i o'u lauina: Mekuri, Venusi, Eleele, Maresa, Iupita, Satana, Uranusi, Nepetune. O lo latou fa'asologa lena Amata mai luma e tau i tuā.

Manatua e le i mamao atu le taimi Na a'oa'o ai le iva paneta I le alii faigata e suafa ia Puluto O ia le pule i le fafā o e oti Faapei o Saveasi'uleo i Pulotu Lenei ua toe maua le tonu Puluto e le faitaulia i le saofa'iga.

E tofu le paneta ma lona uiga Mekuri e aupito laitiiti toe vevela Fetui ma le aasa o le la i aso uma Ailoga e fia nofo ai se isi; Venusi o le ua sili lona pupula-Poo Tapuitema le tama'ita'i ia tatou talatuu Faaigoa foi o le Fetu Ao E faasino malaga i tautai folau.

Eleele poo Lalolagi le autu o le foafoaga Ua fai ma nofoaga o le ola ma tagata Maresa atua o taua e tau latalata mai E mumu lona tino pei se aitu fe'ai Iupita le ua sili lona lapo'a O le atua sili i le talitonuga fa'a-Roma.

E ono e fai o latou masina Satana siamupini e 145 pito atu Iupita e 79 – e iai lo, Europa, Kanimeta ma Kaliso O nei paneta e ta'amimilo i le la Fa'apei o ni va'a malaga feoa'i i le 24 itula Laofie, timuga, mafui'e pe faititili E fai lava le galuega a si nei 'aualii.

Mai le Faatonu:

O se fesoasoani lea i le susuga a le faia'oga ia Juno V G, i lana tusi mo se faaSamoa a le Puletini i igoa o paneta o lo tatou la. O lenei solo sa ulua'i lomai i le 2012, e manatu o le a taliina le mana'o. O le matou faa-Samoa sa mulimuli lava i leo o le gagana e afua mai ai, faapea a matou faia'oga sa a'o'oga ai. O igoa e iai Iupita, Mekuri ma Maresa e suafa ai ni tagata Samoa, ma e sili ona lauiloa nai lo le isi lima. Ae e iai le tama e suafa ia Europa ma le teine o Masina.

TALA I LE TUPUAGA O LE LAKAPI:

O LE IPU A ELISE



LEAI SE TAALOGA E TUPU FUA, e iai lava sona pogai i sē poo ni e na matua'ia.

O le tala leni i le mafua'aga o le taaloga o le lakapi i le lalolagi, i le alii Egelani e suafa ia Viliamu

Uepa Elise (William Webb Ellis—ata).

Ae muamua o sina vaaiga i le taimi na soifua ai Elise, ma taaloga sa fiafia na tupulaga e auai.

E aulia mai le amataga o le 19 seneturi ua avea Egelani ma se atunuu ua suia. O taimi ia o le tula'i mai o masini fou ma le tekonolosi fou na liua le soifuaga masani. Avea ai Peretania ma se malo Europa e maua lona atina'e. O lena suiga na o'oo'o sona aafiaga i le ola fiafia o tagata, e pei ona tino mai i taaloga ma faafiafiaga.

E tupu a'e Elise ua ta'uta'ua taaloga nei e iai le kirikiti, soka, faipelega, tenisi, tenisi laulau, tapolo, hoki, ma isi. O nisi o na taaloga na afuamea Egelani, e aofia ai ma le lakapi.

Sa le ese se fiafia o tagata Egelani ia latou taaloga ma i tatou foi i na tupulaga. E taunuu mai misionare a o loo fiafia Samoa ia latou foi taaloga e iai tuuga vaa, aigofie, tauviga, atoa foi ma taaloga matemate. O misionare na aumaia le kilikiti ma le lakapi, ua avea nei ma taaloga pito i luma a Samoa.

Na fanau le alii o Elise i le 1806, i le aai o Lancashire, matu sisifo o Egelani. I lona 6 na maliu ai lona tamā i le taua, tu'ua ai na o le tina ma le fanau tama, o Elise ma lona uso. I lona 17 na ulufale ai i le Kolisi o Rugby i le 1823. I Rugby na iloa ai lana taleni i le Kilikiti, ma ta'uta'ua ai o se tama ta'alo i le iunivesite o Osefoti mulimuli ane.

O le tala 'ave e faapea a o ta'a'alo Elise ma ana uo i le taaloga o le soka, na pipii ai le polo i ona lima ma ia 'u'umau loa ma momo'e ma ia. O lena gaiogiga na fanau mai ai se taaloga fou. Alu a'i faaigoa i le igoa o le a'oga na a'oga ai.



O leni la faamamaluga o lona suafa i le taaloga Lakapi e mau eseese ai le 'aumatau o taaloga. Talu ai e le lava ni molimau tusitusia e tamau ai sea folafolaga. (E iai foi se isi igoa, Jem Mackie, e faapea o ia ae le o Elise

na faapogai). Ui i lea e manatu le to'atele ua lava mea ua ta'ua e faavae ai le faaiuga ia Elise.

O le molimau a se tama a'oga, Matthew Bloxham, i le mekasini a le a'oga 1876, na ia ta'ua ai Elise, e faapea o lana togafiti na mafua ai se taaloga fou. Ui e lei vaai tino o ia i ai, ae o se molimau ta'utino lea e lagolago ai le igoa o Elise ma le taaloga Lakapi. E ono talitonuina foi o ia auā o lona uso sa a'o'oga ma Elise.

E manino foi i molimau, e le to'atasi se isi sa fai sona sao i le foaina mai o le taaloga. O tama lava a le a'oga o Rugby (Lakapi) sa amatamea. O latou na faua ulua'i tulafono ma le gagana o le lakapi e faatino a'i lona faiga.

E lei faataalise le salalau atu o le Lakapi i nuu Peretania, ae na iloa le vave o lona apoia mai e atunuu sa avea ma ana kolone. Na mafua ai ona o'o mai i le Pasefika ma avea o se taaloga taualoa mo alii.

Na avea Ellis ma se failotu ina ua mae'a lana a'oga i Osefoti. O se tasi o tama a'oga a Rugby, Thomas Wentworth, na alu atu ma faavae se isi faiga o le lakapi, i Ausetalia, iloa i le igoa, Australian Rules. O isi uma ituaiga lakapi, e iai lena a Amerika, na fananau uma mai i le fa'aaliga na iloa i le kolisi o Lakapi i Egelani, i le 1823.

E 195 atunuu o le lalolagi e fiafia i le lakapi, ua iloa lona sopo'ia o tua'oi o malo sa lei masani ai, e pei o Saina, ma malo Arapi. E faapena foi tua'oi o itupa, i le tula'i mai o tama'ita'i e auai.

Solo:

(o le solo e faavae mai i se tusi na tusia e le alii o Evani i lona aiga i Europa i le 1950, e faamatala i ai le Lakapi i Niu Sila; o ia se e fou mai i le atunuu)

Lakapi

Ananafi na matou o ai i le Lakapi
o se taaloga e fiafia i ai tagata kiui
E amata i le siva e ta'u o le haka
e lulu tino faaeto laulau ma tapo fatafata
e foliga o se fe'au e ta'u atu
o matou e leaga mo'i lava;

E fa'aaoga se polo laumiumi pei o a
tatou falaoa
e kiki ae tuli, taufao, fepasia'i
O isi taimi e togi i lalo o le sikalamu
pei ua e vaai i ni tauga povi fesuaa'i
(e oso ai lou fia 'ata);

Tele lava o taimi e taufesua fetoso ma
taavavale
tutuli nisi i fafo pe a ulavavale
Ae e iai foi taimi e pei ai o se siva manaia
i le vaai
le feosofi i luga ma taamimilo
pei o se siva palei o loo fai;

E fe'ei tagata matamata ma tauvala'au
atonu o loo faamalosia atu ia latou 'au
Ae e iai foi taimi e upuvale ai
Fai mai la'u uo o upu e siitaua ai
Ae lelei ou te le malamalama ai.

O la'u uo Maoli na faia mai le upu lea
e lelei ona ou amata i le sipea
ae tatau ona ou iloa lelei tulafono
muamua 'aua le pasia i luma le polo
O le isi mea na ia ta'uina mai
e ese le raka ese le molo
ae 'aua lava ne'i e omia ai
To'atele ua fetalei gaugau
O tala ia a la'u uo ua ou popole ai.

A uma se taaloga e fai se pati tele
e sisiva ma pepese ma ususu leotetele
O po ia ou te le moe ai
i le pisa o lo'u tua'oi ou te le iloa poo ai
E malie auā e seasea se leo e lagona
se'i iloga lava e fai le Lakapi ona iloa lea
o loo feola
A o le to'atele lava e tumu ai se papu
e fufusu ai nisi ma gaugau 'aulamu.

Taimi nei o loo tausaili pea sa'u taaloga
A leai ou te toe fo'i lava i la'u soka
faalavelave na o nai Initia e ta'a'alo ai
ma le tama Niue e lei leva na taunuu mai.
Ae alofa tele mo oulua Papa ma Mama.

Alofa'aga mai le tama Kiui fou
Evani



MEASINA CONFERENCE O MEASINA A SAMOA

Fonotaga lona Iva – 26-27 Oketopa 2023



VALA'AU MO FOLASAGA

Manulauti: “Tatala lau mau, ina ia malamalama fanau mo a taeao”.

Fa'atomuaga

O le a usuia le fonotaga lona Iva O Measina a Samoa mai le aso 26-27 o Oketopa 2023 i le Lunivesite Aoao o Samoa i Le Papaigalagala. Na uluai fuafua ma fa'ata'oto lenei polokalame, O Measina a Samoa ma le manatu 'autū, ina ia maua ai ni avanoa lelei, mai lea taimi i lea taimi, e fa'atalanoaina ai ni isi o matā'upu ua fa'atāuaina i le talafa'asolopito o le gagana ma le aganu'u a Samoa. E le gata i lea 'a o a ni lu'itau tetele i aganu'u ma agaifanua ua mafua mai ona o 'ese'esega o le soifuaga i nei aso ma aso ua mavae.

E 'ese'ese manulauti o fonotaga e valu ua mavae atu. O le tele o ia folasaga ua lomua ma fa'asalalauina i le tusi o Measina a Samoa ma o ni isi folasaga ua fa'asalalauina i le Upega tafa'ilagi a le Laumua o Su'esu'ega o Matā'upu Tau Samoa a le Lunivesite Aoao o Samoa.

Manulauti o le Measina Lona Iva

O le manulauti o le fonotaga lona Iva e fa'apea;

“Tatala lau mau, ina ia malamalama fanau mo a taeao”.

O le uiga o lenei manulauti ua matauina le tu'ufesili solo o le fanau i lo latou fia mālmalama i lo latou fa'asinomaga, ae taotaomia ona o le taofisa ma taofi mamau o ni isi o le atunuu. O fea a saili faalumaga iai alo ma fanau a Samoa i le faiva o le potosalalau? Peitai ane ua matauina le tele o suiga ogaoga o lenei vaitaimi i aganu'u ma agaifanua, gagana, faiva alofilima, saofaiga ma isi.

Ua manatu ai le Komiti o le Measina lona 9, ua mafua nei suiga ona o le fete'enai, 'ese'ese, ma faumālō manatu ma talitonuga o le atunu'u. I lenei talutalufou o le olaga ua tele lava suiga ua matauina ma o le agaga tonu lea ina ia tufa, fa'asoa, fa'amālamalama le talitonu o le tagata lava ia i matā'upu o lo'o iai lona silafia ma lona agava'a i matā'upu tau Samoa.

Folasaga

E talosagaina le au fai folasaga ina ia agai tonu ma fitoi tonu a latou folasaga i se matā'upu e tasi. E talu ai ona o nisi o matā'upu e ono a'afia ai 'āiga ma tagata o lo'o soifua, o lea e

talosagaina ai le au fai pepa ina ia 'alo'alo ese mai i matā'upu ma gagana e ono afaina ai le fonotaga i mafua'aga fa'apenei. O le a mafai e le komiti fa'afae o le fonotaga ona te'ena ma lē fa'atagaina ni folasaga e lē talafeagai.

Afai e fia fai sau folasaga i lenei fonotaga, fa'amolemole fa'afeso'ota'i mai le Komiti fa'atonu o le fonotaga. O le a fa'agata le taliaina o i latou e fia faia pepa i le aso Faraile 22 Setema 2023. Ua manatu foi le Komiti e faagata uma pepa tusitusia o le a fofogaina i le aso Faraile 6 Oketopa 2023. O le a lē taliaina ni folasaga pe a leai ni pepa tusitusia.

O le a maua atu i le komiti ni isi fa'amatalaga e uiga i le tusiga o pepa, atoa ai ma le lomiga pe a mae'a le fonotaga.

O ni isi vāega o ta'iala

E tatau ona 100–150 'upu o le ootoga o le folasaga (abstract) ma sina tala'aga pu'upu'u o lou soifua (100 'upu). Fa'amolemole auina mai lau folasaga i le so'ootulau (email) pe a talafeagai ai. Ia fa'ailoa mai fo'i ni fesoasoani e mo'omia i le fa'atinoga o lau saunoaga. O tūsiga uma (full papers) tusa ma le 4,000–6,000 'upu e tatau ona fa'ao'o mai i le Komiti, i le aso 6 Oketopa 2023, mo tāpenaga o le lōmiga. O pepa uma e fofogaina ma tusiaina i le Gagana Samoa.

Resitala

O sui e aumau i Sāmoa — SAT\$50.00; Amerika Sāmoa US\$50.00

O sui mai atunu'u i fafo — US\$100; NZ\$160; AU\$130.

Mo nisi fa'amatalaga fa'amolemole fa'afeso'otai mai so'o se isi ua ta'ua o latou suafa i lalo.

Ta'iao Matiu Dr Matavai Tautunu, Director Centre for Samoan Studies: Telefoni 20072 laina 388, m.tautunu@nus.edu.ws.

Aiga Hermara, Information and Communication officer. Telefoni 20072 laina 309. a.niualuga@nus.edu.ws.

Angela Fatupaito, Admin Assistant, Telefoni 20072 laina 334. A.fatupaito@nus.edu.ws



TAGATA MAI SAUTE PRESENTS

LOTA NU'U

THURSDAY SHOW **FRIDAY SHOW**
21 SEPTEMBER, 2023 22 SEPTEMBER, 2023

7:30PM | DOORS OPEN 7PM | AURORA CENTRE
For tickets visit www.humantix.com - Lota Nu'u

This Story is based on real life people and real life events. Lota Nu'u follows a family of five who all go through different trials of life. The two worlds of culture, tradition, dreams, lifestyle, love and unity. A Fathers love for his family to provide his best as the head of the Aiga and his battle to be a Father. A Mothers love for her children and her duty as a wife of a matai. Three kids who have been brought up in church. Where culture is a foundation of home, yet the push and pull of the lifestyle they live. "A family who goes through adversity, shows strength in unity" This is Lota Nu'u.

Dedicated to the Peseta Family.

Tau lava o se minute



I le filemu o le na o se minute:

Matua: O LE ASO MA LONA TOFIGA

Upu Faitau: O le aso ma lona filiga, o le aso foi ma lona mata'igatila. E faapopo o ni aso ua, ae le tuua foi ni aso folau, Upu o le Poto faa-Samoa

Tomatau: E tofu le aso ma lona tofiga i le soifuaga o nuu ma aiga ma atunuu. E pei ona molimoli mai i muagagana ua ta'ua. E le o aso uma e fili ai 'afa auā faiva faatufugaga, pe fili tagaga le tofa auā tonu fai o nuu ma le atunuu. E iai foi avanoa e mapu ane ai ma matau aga o aso faiso'o, aso maninoa o folauga i e tau mai ma e sauni malaga.

Pei foi ona pu'epu'emaia e le Failauga Eperu, e tofu le taimi ma lona mea e tupu ai, o le vaitau ma lona tofiga i lalo o le la. O aso e faataapeape ai ma aso foi e faamaopoopo ai.

Tatou te moemiti ma faatalitali i aso folau, i vaitau e feiloa'i ai ma aiga pe faatino se fe'au sa fuafua. O aga na o le soifuaga e pei ona femolimaua'i le mau faa-Eperu ma le poto faa-Samoa.

E manino le fe'au faaleagaga, e iai aso leaga, tatou te talia ma a'o'oga mai ai, auā a leai aso leaga tatou te le 'aulagona le taua o se aso lelei. A tatou aulia atu se aso lelei, tatou te fa'aaoga ma le tatau, o le avanoa mai le Atua e faatino ai lou tofi ma so'u tiute, a o maua le malosi. Amene.

Saunia—ETS Uo e to'atolu

A'OGA SAMOA ONLINE

O e sa'ilia se tautua e fesoasoani i le a'oga a lou alo poo oe fo'i?

MATOU TE OFOINA TAUTUA NEI:

- E lagolago fanau i le atina'e o tomai faavae i le tautala, faitau, tusitusi, malamalama i le gagana Samoa ma le gagana Peretania
- E fesoasoani i soo se tasi o loo fia faalelei ona tomai faavae literasi i gagana e lua
- E fesoasoani i meaa'oga a fanau i le fale pe a tu'ua le a'oga
- E lagolago i le tapenaga o ni pepa mo a'oga, sauni atu i su'ega poo ni fonotaga
- E lagolago polokalame a'oga i mataupu taugagana e lua, ma le silapasi a'oga
- Samoa—Niu Sila ma Samoa
- E fesoasoani i le atina'e o agavaa ma tomai mana'omia o tusitusiga ma su'esu'ega i le kolisi ma le iunivesite fo'i. Ma ni isi fo'i ofo lelei mo oe

Fesoota'i mai loa i le
Telefoni: numera 02102567412; 0210364322
Meli: ola.aogasamoasonline.com; saili.niupac@gmail.com
Poo le Upega Tafa'ilagi: **A'oga Samoa Online**

NIUPAC PUBLICATION

Email: ola-niupac@gmail.com
Phone: 02102567412
Facebook: [ola—puletini—a'oga](https://www.facebook.com/ola-puletini-a-oga)
Website: www.ola888.com

OLA PULETINI A'OGA
LPSL Tavita, PhD (1st Editor)
ltavita8@gmail.com
Muliagatele Vavao Fetui, PhD
v.fetui@auckland.ac.nz
Salā Saili Aukuso, PhD
saili.niupac@gmail.com

All rights reserved. This bulletin and its content is protected by copyright laws of New Zealand and international conventions. Except for educational purposes, any other activity pertaining to its use is prohibited. OLA acknowledges and defends the rights of other copyright holders whose material we borrow and acknowledge accordingly.

NIUPAC 2011